

# Von dem dritten Regiment/welchs das reduciren ist.

## C A P. XIV.

**D**as dritte Regiment des Steins ist / das feuchte Wasser auff die trockene Erden reduciren vnd leihen / damit sie die verlorne Feuchtigkeit widerumb erlange. Dieweil aber die Erden auff zweyen Cörpern herrhüret / vnd zwey Element trocken / hart / vnd steinicht seindt / nemlich das Feuer vnd die Erden / welche in ihrer Trockenheit mit einander Einstimmig seind / so sollen sie auch zugleich mit einander præpariret werden / dann sie haben nur einerley Bereitung. So füge derhalben die Größe des Feuers mit der Erden / nach Absonderung der Luft / zusammen / vnd præparire sie zugleich / vmb Verkürzung der Zeit willen / so wol auch der Ursach wegen / das ihre Vermischung gar gut ist / vnd in ihrer Præparation Keins das andere hindert / sondern viel mehr eins das andere wol tingiret / vnd in des Feuers Glut vor der Verbrennung beschirmet. Darumb wann man sie zugleich præpariret / so ist rathsamer / vnd der Verwandtschaft näher : Es ist aber ihre Bereitung also / vnd geschicht darumb / auff das sie ihrer Feuchtigkeit desto mehr an sich nehmen mögen. Dann der calcinirte Cörper ist von einander zertheilet / auff Ursachen / das ihm seine Wasserigkeit gänzlich entzogen ist. Derhalben / dieweil er ganz Bloß vnd Lähre / vnd also sehr Dürstig ist / so trincket vnd zeucht er seine feuchte Wasserigkeit begirig in sich.

Die Erden ist  
auff zweyen  
Cörpern

Wie der calcinirte Cörper  
zu befinden

Et

Von